

և յորդորեաց զամենեսին յետս կալ յայնպիսի վարդավաղց
գործոյ և բաժանելոյ զԱթուռ Լուսաւորչին 'ի գայթակղու-
թիւն բաղմաց եւ 'ի վնաս ազգին . միանգամայն խնդրէր
իրաւունս , թէ զի՞նչ պատճառ իցեն , զի կամին որոշիլ
'ի հարազատ գլխոյ իւրեանց : Գրեաց և առ Երուսաղէմա-
ցիս , և առ Սսեցիս , եւ աղաչեաց զնոսա մի զհետ լինիլ
Եղիազարու՝ ակնկալութեամբ ընդունայն չահու : Յղեաց
և 'ի Բերիա առ Եղիազար միջնորդ խաղաղութեան զՅով-
հան վարդապետ Արղնցի , զայրն զգոնամիտ և խմաստուն ,
և ոչ ինչ օգտեցաւ :

Իբրեւ լուաւ Մարտիրոս վարդապետ Կաֆացի զԿա-
թուղիկոսութիւն Եղիազարու՝ եւ վաղվաղակի յաշխարհէ
իւրմէ 'ի Ղրիմայ , դիմել 'ի Կոստանդնուպօլիս , խստիա-
նել զգործս նորա , որպէս զի առնուցու զվրէժ թշնամու-
թեան նորին . և զճանապարհայն , ուր և հասանէր 'ի քա-
ղաքս քաղաքս՝ ծանունս չարախօսէր զԵղիազարէ , և ջա-
նայր հանել զնա յաջաց ամենեցուն : Եւ իբրեւ եհաս յԵւ-
դովիա , ետես զի եկեալ էր անդր թուղթ Օրհնութեան
յԵղիազարէ և հաւանեալ եւս են ընդ այն գլխաւորք քա-
ղաքին , ընդ որ դժուարեալ յոյժ Մարտիրոսի՝ եւ 'ի բեմն ,
և յետ խօսելոյ բազում ինչ զԵղիազարէ՝ յաւել ասել . « Գորհ-
նութիւն և զանէծս առն այնպիսուոյ որպէս զառասպելս
պառաւանց պարտ է համարել : Գրեաց ապա և ինքն զիր
առ Եղիազար լի անտանելի կշտամբանօք և անլսելի թըշ-
նամանօք . իսկ յերեսս թղթոյն , ուր գրի հասցէ՝ եղ- զա-
նունս պատուոյ Կաթուղիկոսի այսպէս . « Հասցէ գիրս 'ի
Հալապ 'ի ձեռս Եղիազարու Կաթուղիկոսին Հայաստա-
նեայց » : Եկեալ թղթաբերին 'ի քաղաք անդր՝ հանդիպե-
ցաւ նախ Յովհաննու վարդապետի Արղնցւոյ , և նմա ետ
զթուղթն հասուցանել 'ի ձեռս Եղիազարու . անդ գտաւ
և Երեմիա Չէլէպի , և Սուքիաս աշակերտ Եղիազարու . և
զի սոքա անտարակոյս գիտէին՝ թէ բանք նախատանաց
կան գրեալ 'ի թղթի անդ 'ի Մարտիրոսէ , չկամեցան տալ
զայն Եղիազարու : Բայց Եղիազար իրազեկ լեալ այսմ՝
խնդրեաց զթուղթն եւ բացեալ սկսաւ ընթեռնուլ յա-
ռաջիկայութեան Երեմիայ եւ ոյլոյ : Իբրեւ եհաս 'ի կէս
թղթոյն՝ շառագունեցան երեսք նորա 'ի սրտմտութենէ ,